

UNIVERZITET U SARAJEVU
INSTITUT ZA HISTORIJU
Sarajevo, 3.5. 2017.

UNIVERZITET U SARAJEVU INSTITUT ZA HISTORIJU Broj: <u>0501 - 410/18</u> Datum: <u>04.05. 2018.</u>

**Komisija za izbor u naučno zvanje naučni saradnik
za oblast starije historije – srednji vijek**

**VIJEĆU INSTITUTA ZA HISTORIJU U SARAJEVU
SENATU UNIVERZITETA U SARAJEVU**

Na osnovu člana 29. Zakona o naučnoistraživačkoj djelatnosti („Službene novine Kantona Sarajevo“ broj 16/06) i člana 93. Statuta Univerziteta u Sarajevu Vijeće Instituta za historiju 19. aprila 2018 (Broj: 01-01-376/18) donijelo je odluku o imenovanju Komisija za izbor u naučno zvanje naučni saradnik za oblast starije historije – srednji vijek u sljedećem sastavu:

1. Dr. Esad Kurtović, redovni profesor Filozofskog fakulteta u Sarajevu, predsjednik;
2. Dr. Emir Filipović, docent Filozofskog fakulteta u Sarajevu, član;
3. Dr. Enes Dedić, naučni saradnik Instituta za historiju u Sarajevu, član;
4. Dr. Adis Zilić, docent Fakulteta humanističkih nauka u Mostaru (zamjenski član).

Poslije izvršenog uvida u jednu (1) prispjelu prijavu Komisija ima čast podnijeti sljedeći

IZVJEŠTAJ

Na konkurs objavljen u dnevnom listu Oslobođenje i web stranici Instituta za historiju Univerziteta u Sarajevu od 21. marta 2018. za izbor u zvanje **naučni saradnik** za oblast starije historije (srednji vijek), prijavila se jedna kandidatkinja, dr. Elmedina Duranović. Prijava je blagovremena i s traženom dokumentacijom koja je potpuno usklađena sa uvjetima utvrđenim konkursom.

Dr. Elmedina Duranović rođena je 19. januara 1983. u Sarajevu. U rodnom gradu završila je osnovno i srednjoškolsko obrazovanje (Učiteljsku školu). Studij historije završila je na Odsjeku za historiju Filozofskog fakulteta Univerziteta u Sarajevu 2006. Na istom Odsjeku završila je postdiplomski studij iz Historije srednjovjekovne Bosne. Magistarski rad pod nazivom „Bosna u drugoj polovini XIII stoljeća“ odbranila je 8. oktobra 2012. pod mentorstvom prof. dr. Peje Ćoškovića. Uspješno je okončala Treći ciklus studija po novom, bolonjskom režimu studiranja na Filozofskom fakultetu u Sarajevu i 25. aprila 2017. odbranila doktorsku disertaciju pod naslovom „Drumsko razbojništvo u srednjovjekovnoj Bosni prema dubrovačkim izvorima“ (mentor prof. dr Esad Kurtović). Radila je u osnovnim školama u Sarajevu. U Institutu za historiju Univerziteta u Sarajevu djeluje od 2008. u zvanju stručnog saradnika, a od 2013 kao viši stručni saradnik.

Dr. Elmedina Duranović je učestvovala u više projektnih ostvarenja medievalne tematike, u okviru svoje institucije - Instituta za historiju ili u saradnji sa Odsjekom za historiju Filozofskog fakulteta, profilirajući svoj istraživački rad u pravcu teže dostupne neobjavljene dubrovačke arhivske građe. Učestvovala je na nekoliko tribina, okruglih stolova, promocija i naučnih skupova sa izlaganjima i objavljenim referatima. Njena doktorska disertacije posvećena drumskom razbojništvu predstavlja originalan, neobičan i vrlo značajan tematski pravac od kojeg u skorijoj budućnosti - po objavljivanju, višestranu korist iščekuje bosanskohercegovačka historiografija. U dosadašnjem radu, pored većeg broja bibliografija, prikaza, osvrti, kraćih priloga i izvještaja, posebno se izdvajaju radovi posvećeni vjerskoj politici kralja Dragutina (Vjerska politika 'sremskog kralja' Dragutina, Historijska traganja 5, Sarajevo 2010), pripadnicima slabijeg pola (Žene iz Bosne na tržištu roblja u Dubrovniku 1279-1301, Sarajevo 2015) i Višegradu (Iz historije Višegrada u srednjem vijeku, Sarajevo 2018). Oni ukazuju na dobru polaznu osnovu za krupnija sintetska ostvarenja iz historijske topografije, privredne i društvene historije srednjovjekovne Bosne.

Dr. Elmedina Duranović pripada generaciji istraživača na čijim leđima, uprkos izraženoj mladosti i polazištu u naučnom izrazu, stoji razvoj i budućnost medievalistike u Institutu za historiju, pa i šire. To je teret koji je neopravdano dospio među mlade stručnjake s jedne strane kao posljedica ratne destrukcije naučnih institucija u Bosni i Hercegovini, a s druge strane kao izraz slabijih planiranja kojima je savremena historiografija izložena. U takvim konstelacijama, praćenim skupim medievalnim istraživanjima u inozemstvu, naučni razvoj dr. Elmedine Duranović pokazuje predanost, pristojnu zrelost, postojanost i garanciju za budućnost koju treba podržati i poticati.

ZAKLJUČAK

Na osnovu ostvarenog uvida u prijavu i ovdje navedenog, posebno ističući bogato radno iskustvo u renomiranoj instituciji Univerziteta u Sarajevu, odbranjenu doktorsku disertaciju, objavljene radove u dovoljnom broju i u kvalitetnoj razini, Komisija ima čast da predloži da se dr. Elmedina Duranović izabere u naučno zvanje **naučni saradnik za oblast starije historije – srednji vijek.**

KOMISIJA:

Esad Kurtović

1. Dr. Esad Kurtović, predsjednik

Emir O. Filipović

2. Dr. Emir O. Filipović, član

Enes Dedić

3. Dr. Enes Dedić, član